

# Nihánj me síj vij yanj cartá qui'yaj síj cu'naj Juan ca'néé so' rihaan nij yuvi noco' man Diose a

<sup>1</sup>Síj chii nga mej, ne achrón 'unj yanj nihánj nayaá taran' nij soj sij narii Diose man sij nuu chre' rej achíín ni'yaj soj rihaan Diose a. Dan me se 'ee raj man soj, che'é rej sij noco' nana ya me taran' ní' a. Ne nuveé orún' 'unj me síj 'ee rá man soj ma'. 'Q se taran' nij síj ne'en nana ya 'ee rá man soj adonj. <sup>2</sup>'Ee rá núj man soj che'é se nuu nana ya nimán ní', ne yo'ó cunuú nana ya yo' nimán ní' nu' cavii nu' ca'anj ruguanj. <sup>3</sup>Ne me rá 'unj qui'yaj Rej ní' Diose do', ta'níí so' Jesucristó do', se luj che'é nij soj, ne me rá 'unj cunuú 'ee rá roj so' ni'yaj roj so' man soj, ne me rá 'unj gaa xej nimán soj qui'yaj roj so', ne yo'ó canoco' soj nana ya ne gaa 'ee rá soj man tuvi' soj ei.

**Nana nihánj taj xna'anj se  
vaa yo'ó qui'yaj ní' nana cataj  
xna'anj Diose rihaan ní', ne  
gaa 'ee rá ní' man tuvi' ní' a**

<sup>4</sup>Guun niha' uxrá raj, che'é se xcaj 'unj cuentá se vaa ta'aj nij soj me síj yo'ó noco' tucuáán ya, ndaa vaa cataj xna'anj Rej

ní' Diose rihaan ní' chuguanj. <sup>5</sup>Ne nihánj me se achíín ni'yáá 'unj rihaan soj se vaa qui'yaj nij soj ndaa vaa cataj xna'anj Diose rihaan ní' a. Ne nuveé nana ca'na' naca rihaan ní' me nana nihánj ma'. Maan se nana cataj xna'anj Diose rihaan ní' asij guun che'e ní' canoco' ní' man so' me nana nihánj adonj. Ne nana nihánj taj se vaa cunuú 'ee rá ní' man tuvi' ní' a. <sup>6</sup>Sese gaa 'ee rá ní' man tuvi' ní', ne síj 'yaj ndaa vaa cataj xna'anj Diose rihaan ní' me ní' ei. Ne yo' me nana cataj xna'anj so' rihaan ní' asij guun che'e ní' canoco' ní' man so', ne me rá so' yo'ó qui'yaj ní' nana yo' adonj. <sup>7</sup>'Q se yaj me se curihanj ndo'o nij síj tiha' yu'unj rihaan chumií nihánj, ne cataj nij so' se vaa nuveé sij guun yuvií me Jesucristó a. Che'é dan me nij so' síj tiha' yu'unj a'mii nana ne, ne taj nij so' se vaa ma'an nij so' me síj ca'néé Diose tinanii man yuvií rihaan sayuun a. <sup>8</sup>Cutumé ndo'o soj man soj se gaa nanj ca'anj ni'ya nu' nij rasuun sa'

qui'yaj canaán soj ma'. Tzaj ne yo'o canoco' soj nana ya, gaa ne ve'é naru'vee Diose rihaan soj ei. <sup>9</sup>Ne me ma'an sí tanáj se-tucuañ Jesucristó ro', nuvi' Diose yáán ga so' ma'. Tzaj ne sí noco' raan se-tucuañ Jesucristó me se so' me sí yo'o yáán roj ta'nij Diose ga so' adonj. <sup>10</sup>Ne sese ca'na' 'o sí a'mii yo'ó nana rej yanj soj, ne se ca'vej rá soj catuu so' rihaan soj, ne se ca'mii sa' soj ga so' ma'. <sup>11</sup>'O se sí a'mii sa' ga so' me sí racuíj man so' qui'yaj so' se chil'ij adonj.

**Nana nihánj taj xna'anj se vaa  
cuchi' Juan rej yanj nij so' a**

<sup>12</sup>Vaa ndo'o nana me rá 'unj cataj xna'anj 'unj rihaan soj, tzaj ne na'vej rá 'unj cachron 'unj cunudañ nij nana rihaan yanj nihánj, che'é se que'ee ndo'o nana me yo' ei. Tzaj ne cuchij rihaan soj, raj, gaa ne ca'vee ca'mii rihaan ma'an tuvi' ya ní', gaa ne guun niha' uxrá rá ní' gaa nari' tuvi' ní' chuguañ. <sup>13</sup>Ne nij sí narii Diose yanj chuman' nihánj ro', me rá taran' nij so' se vaa ve'é cayáán taran' soj ei.